



# Melele ko Ekut Kajitōki ilo Melele in Kajinet eo ñan Bar Bellok ilo Alen Ruo

Imōn Mōñā, Baar, Imōn Kōmman Pia, Brewpub, Imōn Kōmman Wain, Ruum In Edjoñ im Imōn Kōmman Dān Kajoor  
(Melele ear Kōkkāāl 9-2-2020)

Elōñ jet uaak ko ilal ñan kajitōk ko im ekut an armij kajitōki kin Melele in Kajinet eo an Maroñ kin Ejmour eo an Oregon (OHA) ñan Bar Bellok ilo Alen Ruo: Melele in Kajinet ko rejjet ñan Imōn Mōñā, Baar, Imōn Kōmman Pia, Brewpub, Imōn Kōmman Wain, Ruum in Edjoñ im Imōn Kōmman Dān Kajoor ([Melele in Kajinet ñan Imōn Mōñā im Baar ilo Alen Ruo](#)). Melele in Kajinet im Kajitōk kein rekut rej jermal wōt ñan mōko wōt im rej kōmadmōd ilo juon county emōj kōwebben ñan Bar Bellok ilo Alen Ruo. OHA ej lelok kajitōk kein rekut ñan jibañ an armij in lobelej melele kin melele in kajinet eo, ñan uaake kajitōk ko an armij ro im rej jermal ñane, im kaalikkar wewein an melele in kajinet eo maroñ jermal ilo jejetin melan ko. Emaroñ jab niknik ien aer kōkkāāl melelein Kajitōk kein Rekut. Kajitōk ko Rekut raar jab kōmman ñan bōk jikin melele in kajinet eo, ak ñan jibañ ukok, kakoba melele, im kanne tipdik in melele ko an kein kajinet eo.

## Kōmadmōd ko

### **K1: Emelim ke an mōko imōn mōñā kōmmāne makūtkūt ko einwōt pade in kadiwōjlok im mare? Etan melele in kajinet eo aikuj loor ñan makūtkūt rot eo?**

U1: Aet, elañe ej jermal einwōt juon rikōmadmōd in jikin ak makūtkūt im ej loor [Melele in Kajinet eo an Rikōmadmōd ro an Jikin im Makūtkūt ilo Alen Ruo](#). Emo an rikōmadmōd ro an Imōn Mōñā lelok aoleben wewein aer kōmadmōd ilo ejja ien makūtkūt eo rej kōmman. Rikōmadmōd ro an imōn mōñā rej aikuj niknik in karreo aoleben jikin ko mokta jen aer bar bellok elikin ien an kar aitok aer ikkiil im niknikin karreo aoleben jikin ko ikōtaan makūtkūt ko.

### **K2: Mōko imōn mōñā rej ke aikuj in kakien bwe customer ro aer ren ekōnak kein kalbubu iturin māj?**

U2: Aoleb imōn mōñā rej aikuj loor [Melele in Kajinet eo an Aoleben State eo ikijen Ekōnak kein Kalbubu Māj ko an Jikin Taktō, Kein Bōbrae Iturin Māj, Kein Kalbubu Iturin Māj](#). Customer im rilotok ro rej aikuj ekōnak kein kalbubu māj einwōt an jikin taktō, kein kalbubu iturin māj, ak kein bōbrae iturin māj ijellokun ñe rej mōñā/idaak ak ñe rejab bed ilo jikin ilobelej im remaroñ kejbarok aer ettolok jiljino (6) ne ak lablok jen ro jet.

**K3: Aoleb rijerbal ilo imōn mōñā ko rej ke aikuj in ekōnak juon kein kalbubu iturin māj ilo Alen Ruo?**

U3: Aet. Aoleb imōn mōñā, baar, imōn kōmman pia, imōn kōmman wain, ruum in edjoñ, im imōn kōmman dān ko rekajoor rej aikuj kakien ke aoleb rijerbal ro aer ren ekōnak kein kalbubu māj an jikin taktō, kein kalbubu iturin māj ak kein bōbrae iturin māj ekkar ñan an [melele in kajinet eo an OHA](#). Kein kalbubu iturin māj rejab aikuj ekōnak ilo ien an armij mōñā/idaak ak ilo ien aer jab bed iturin armij ijoko lobelej im remaroñ kejbarok aer ettolok jiljino (6) ne ak lablok jen ro jet.

**K4: Ta melele in kajinet eo ñan kulab in kamōnōnōik rūtto ilo Alen Ruo?**

U4: Rikōmadmōd kulab in kamōnōnōik rūtto rej aikuj loor [Melele in kajinet eo ñan Aoleb Jikin Jerbal](#), im [Melele in Kajinet an Aoleben State eo ikijen Kein Kalbubu Māj an Jikin Taktō, Kein Bōbrae Iturin Māj im Kein Kalbubu Iturin Māj, ekkar ñan county ta im kulab eo ej bed ie](#). Kulab in kamōnōnōik rūtto ko rej lelok ak ejōb mōñā ak dānnin kadek, rej aikuj loor [Melele in kajinet an Imōn Mōñā im Baar ilo Alen Ruo](#). Rikamōnōnōik rūtto im rijerbal ro jet rej aikuj lolorjake an rijerbal, rijibañ, im rikoontōreak ro kejbarok aer ettolok jen doon jab diklok jen jiljino (6) ne jen doon im customer ro ilo aoleb ien.

**K5: Rijerbal ro rej kōmman dān ilo baar ko rej ke aikuj in ekōnak kulob ilo ien aer lelok dān in idaak ñan rilotok ro?**

U5: Jab. Bōtab, rijerbal ro rej kōmman dān in idaak ilo baar ko rej aikuj kadiklok aer jibwi mōñā ko ilo an ejellok kein kalbubu beir ilo aer kōjerbal kein ajej mōñā. Waan joñak, kōjerbal kein ajej mōñā ñan kein kaiboj mōñā ko einwōt lime im cherry ko.

**K6: Jikin mōñā buffet ko remaroñ ke bellok ilo Alen Ruo?**

U6: Jab. Emo wōt jikin kōmadmōd ko armij rej make kanne, ekoba buffet ko, salad baar, kein etteiñ kola im jikin ko kwōj make kanne im rej kilōk wōt ilo Alen Ruo. Remaroñ lelok wōt mōñā jen jikin ko einwōt buffet elañe rijerbal ro an jikin mōñā eo rej kanne im elañe remaroñ kejbarok an customer im rijerbal ettolok jen doon.

**K7: Aikuj ke wōr dān bwil ilo jikin kwalkwol bā ko inabōj ke ak ebwe ke dān mōlo?**

U7: Jikin kwalkwol bā ko inabōj rejab aikuj dān bwil bōtab eaikuj wōr joob, dān, im beba tool ko juon wōt alen kōjembali.

**K8: Emelim ke al karaoke ilo Alen Ruo?**

U8: Aet. Rikōmadmōd ro an al karaoke rej ke aikuj loor melele in kajinet eo an [Jikin Kamōnōnō ko Iloan Em im Inabōj](#) im, ñe ekkar, [Melele in Kajinet eo an Imōn Mōñā im Baar ilo Alen Ruo](#). Rikōmadmōd ro rej aikuj manman kij im karreoiki aoleben kein roñjak ko, ekoba microphone ko, ikōtaan ien an kajojo droulul ko kōjembali. Rikōmadmōd ro an al karaoke ko rej aikuj loor [Melele in Kajinet eo an Aoleben State eo ikijen Kein Kalbubu Māj ko einwōt ilo Jikin Taktō, Kein Bōbrae Iturin Māj, Kein Kalbubu Iturin Māj](#).

**K9: Ta mennin aikuj ko ñan manman kij ilo kein billiet ko einwõt ball im cue ilo Alen Ruo?**

U9: Rikōmadmōd ro an jikin billiet ko rej aikuj loor melele in kajinet eo an [Jikin Kamōnōnō Iloan Em im Inabōj](#) im, ñe ekkar, [Melele in Kajinet eo an Imōn Mōñā im Baar](#). Rikōmadmōd ro rej aikuj in manman kij im karreoiki aoleben kein jerbal ko elōñ ro rej kōjerbali, ekoba cue, chalk, im ball ko, ikōtaan ien an droulul ko kajojo kōjerbali.

**K10: Elōñ ping pong tebōl ko ilo bijnej eo aō, im bareinwõt likio in baar im imōn mōñā. Imaroñ ke bellok ilo Alen Juon ak ilo Alen ruo?**

U10: Ilo Alen Juon, Baar im imōn mōñā eo emaroñ bellok elañe rej kōmadmōd ekkar ñan [Melele in Kajinet eo an Imōn Mōñā im Baar ilo Alen Juon](#) elañe kwōnaj kiili tebōl in ping pong ko. Ilo Alen Ruo, kwōmaroñ kōbellok jikin ping pong eo ñe kwōj kōmadmōd ekkar ñan melele in kajinet eo ñan [Jikin Kamōnōnō ko Iloan Em im Inabōj](#) im melele in kajinet eo an [Ikkure in Kamōnōnō ko](#).

**K11: Ñe juon bijnej in imōn wia enaj bellok juon waan mōñā ilo jikin baak wa im elōñ jikin jijet inabōj, melele in kajinet ko an OHA an imōn mōñā ej ekkar ke?**

U11: Aet. Kimij likūt waan mōñā ko einwõt juon imōn mōñā im eaikuj loor melele in kajinet eo an [Imōn Mōñā im Baar](#).

**K12: Ta melele in kajinet eo an kein ikkure karaj im shuffleboard?**

U12: Emelim kein karaj ko im shuffleboard ilo Alen Ruo. Rikōmadmōd ro an ikkure kein rej aikuj loor melele in kajinet eo an [Jikin Kamōnōnō ko Iloan Em im Inabōj](#) im, ñe ekkar, [melele in kajinet an Imōn Mōñā im Baar](#). Rikōmadmōd ro rej aikuj in manman kij im karreoiki aoleben kein ikkure ko einwõt kein karaj im disc in shuffleboard ko, ikōtaan ien an kajojo droulul ro kōjerbali.

**K13: In kōmman ta elañe juon riwia me ej kwalok kakōllein COVID-19 ej itok ñan imōn mōñā eo aō? Imaroñ ke kajitōk ibben armij eo bwe en rool?**

U13: Imōn mōñā im baar ko remaroñ kajutak [bija im kōjellā ko](#) rej kōlaajrak kakōllein COVID-19, im rej kajitōk an rijerbal im customer ro im elōñ kakōlle ko ibbeir bwe ren bed wõt mōko imweir, im ej kōlaajrak wōn eo ren kebaak ñe rej aikuj ebōk jibañ. Imōn mōñā im baar ko rej aikuj kebaak loār ro aer kin kakien ko ikijen aer makokoun kōmadmōd. Juon imōn mōñā eban makokoun kōmadmōd kin jowi eo an armij eo, kalor in kilin, elañe ej kwalok ke ae emaan ak kōrā, an kalikar ke ae emaan ak kōrā, kabuñ eo an, utamwe, ak aelōñ eo ej ejaak jene. COVID-19 emaroñ jelōt jabdrewōt armij eo enaj kebaak nañinmij eo, im jabdrewōt armij emaroñ kajeded COVID-19.

**K14: Mōko imōn kōmman wain ak ruum in edjoñ ko rej ke aikuj in aen melele ko an customer ñan wūn ko ikijen aer naj anōke wōn ro rar kebaak elañe enaj wōr juon jemlokin teej ej positive?**

U14: Jab. Mōko imōn mōñā, baar, imōn kōmman pia, brewpub, imōn kōmman wain, ruum in edjoñ im imōn kōmman dān kajur rejab aikuj in kejbarok melele in kebaak ko ñan aer anōk ialen nañinmij eo.

**K15: Emelim ke an wōr juon kein tōteiñ aebōj, ak rej ke watōke einwōt kein kōmadmōd ko armij rej make kanne im emo?**

U15: Rej watōke juon jikin tōteiñ dān einwōt kōmadmōd ko kwōj make kanne im emo.

**K16: Ñe kim naj likūti juon kōjellā ioon mōjin eo ej ba “juon wōt alen kōjerbale wōt” ak “jouj im kajitōke juon kab kilaaj ekāāl ñan kanne limem” men in enaj ke melim?**

U16: Jab. Emo wōt jikin kōmadmōd ko armij rej make kanne, ekoba buffet ko, salad baar, kein etteiñ kola im jikin ko kwōj make kanne im kilōk wōt ilo Alen Ruo.

**K17: Ta eo jikin jermal eo aikuj kōmmāne elañe juon rijerbal in imōn mōñā enaj kwalok kakōllein COVID-19?**

U17: Juon jikin jermal ej aikuj loor [Melele in Kajinet eo Ekkā an Aoleb Jikin Jermal](#). Juon jikin jermal aikuj kōmelele lok ñan rijerbal ro im renañinmij bwe ren bed wōt imōko mweir ak rool ñan mōko mweir ñe rejino eñjake aer nañinmij ilo jikin jermal eo. Rijerbal ro ren jab iten jermal ñe elōñ aer:

- Piba (kōjermal juon kein bōk bwil ilo loñi).
- Kakōlle ko jet einwōt emmōj ak bidodo loje.

Ñe juon rijerbal ejāde waj in jermal im ej kwalok kakōlle ko, ak ñe ejino walok kakōlle ko ilo ien an bed ilo jikin jermal, jikin jermal ko rej aikuj kōjenolok rijerbal eo enañinmij jen rijerbal ro jet. Juon rijerbal enañinmij rej aikuj ba en rool ñan mweo imōn ilo ien eo wōt ñe ejab bukotlok jibañ in taktō elañe aikuj.

Jikin jermal ko reaikuj ekut aer kōnnaan ñan rijerbal ro bwe ren bed wōt mōko imweir ñe renañinmij, im lolorjak an kakien ko an jikin jermal ko kōmelim kakkije in nañinmij bwe armij ren maroñ kōmmāne men eo ejimwe ilo aer kejbarok rijerbal ro mōttaer; kalbubu aer bokbok im maje; im ikut aer kwal beir.

Ñe juon rijerbal enaj jino walok nañinmij in COVID-19 ibben, jikin jermal ko rej aikuj:

- Karejar ibben ejmourin lobelej ñan kile wōn rijerbal ro mōttan rekar kebaak ien aitok ibben rijerbal eo enañinmij im emaroñ lelok uwōtain aer kebaak COVID-19.
- Kejbarok an jab ajeded melele in taktō ko an rijerbal eo ekkar ñan kakien ko rekkar.

**K18: Aikuj ke bōk bwilin rijerbal ro mokta jen kajojo shift?**

U18: Rejab aikuj bōk bwilin rijerbal ro mokta jen kajojo shift, ak jikin jermal ro remaroñ naj kōnaan lōmnak aer kajitōk an wōr ien aer kakōlkōl ejmour (waan joñak etale ko an kakōlle in bwil im emenono) ak kakōlkōl ko rijerbal ro rej make kōjellā kaki, elañe ej ikijen jermal ak loor aikuj eo an bijnej eo.

**K19: Baar ko remaroñ ke lelok ak kōmman makūtkūt in Texas Hold'em, Bingo, ak Bunco ilo Alen Juon ak Alen Ruo?**

U19: Makūtkūt kein rejab melim ilo Alen Juon. Ruum in kaat ko ejab an jowi ko remaroñ kōmadmōd ilo Alen Ruo.

**K20: Ewi wewein an imōn mōñā im baar karreoiki tebōl ko elikin an customer ro emmakūt?**

U20: Karreo ijoko mōñā ko rej bed ie iloan jikin kōmat eo im “itulikin mweo” aikuj in kōmman ekkar ñan [Kakien ko an Kōjparok Mōñā OAR 333-150-0000](#). Ñan ijoko “imaan mweo,” emōj an Wōpij in Kejbarok Mejatoto an U.S. kōmelem jet kein karreo me rej jermal ñan jet virus ko rej einwōt COVID-19. Aoleb mweiuk in manman kij im rej ioon joñan ko rebed ilo [ijin](#). Ejjab aoleb kein manman kij emōj kōmelem ñan ioon ijoko mōñā ko rej bed ie im kwōn kwal kin dān im manman kij ilo aer loor kōmelele ko ilo kilin bato ak pakij eo. Būkot jikin “manman kij” eo ilo peba in mweiuk eo im kōjermal joñan ien eo elabtata im joñan am kāre eo elabtata (joñan kein manman kij eo kāre ibben aebōj) ilo jikin in.

**K21: Customer ro me rej etal ilo drive-thru ko reaikuj ke ekōnak kein kalbubu turun māj?**

U21: Aet, einwōt kakien ilo [Melele in Kajinet eo ñan Aolepan State eo ikijien Kein kalbubu iturin māj einwōt an Jikin Taktō, Kein Bōbrae Turun Māj, Kein Kalbubu Turun Māj](#), elañe customer ro reban loloorjake aer bed jiljino (6) ne ettolok ikōtaan wa eo im drive-thru wūntō eo rej aikuj ekōnak kein kalbubu ak bōbrae iturin māj.

**K22: Aer kamo an armij jambo ilo 10 awa boñ ej ke jermal ñan mōñā iloan jikin eo wōt ke ak ñan bar ñan drive-thru ko?**

U22: Aer kamo adwōj jambo elikin 10 awa boñ ej jermal ñan mōñā iloan em im inabōj wōt - ejab ñan drive-thru ko.

**K23: Ewōr oktak in joñan armij ko elabtata ilo jikin mōñā ko iloan em im inabōj. Ta melelein “jikin eo inabōj” ñan wūn ko ilo [Melele in kajinet eo an imōn mōñā im baar ilo Alen Ruo](#)?**

U23: Ñan wūn ko ilo [melele in kajinet eo an Imōn Mōñā im Baar ilo Alen Ruo](#), “jikin eo inabōj” melelein juon jikin ebellok inabōj im emaroñ wōr ioon emōj aer kajutak an jidik ien ak ebin, einwōt awning ak bōrwaj in mweo, im toon wōt an jikin eo 75% in jukwea ne tōrerein ñan an kōto deloñ-diwōj.

## **Kōttolok im Joñan Wōran armij**

**K1: Jibañ eo ilo Melele in Kajinet eo an Alen Ruo ikijen Plexiglass (acrylic)/men ko rejaje ebōk dān ej ke ekkar wōt ñan kein kōjebel ikōtaan jikin jijet booth ko ak emaroñ ke jutak ikōtaan tebōl ak jikin jijet ko ilo counter ko ñan kōmelim an kumi ko redik ak kajojo armij bwe ren ebaaklok jen jiljino (6) ne jen doon?**

U1: Melele in kajinet eo ñan kajutak plexiglass ej ekkar ñan aoleb kain jikin jijet ko im ñan ijoko jikin lottery in bideo. Kein bōbrae eo ej aikuj in jaje ebōk dān, bidodo ñan karreo, im ejab diklok jen juon (1) ne utiejlok jen aitokin bōran customer ro rej jijet im ejab diklok jen jilu (3) ne depakpakim ak ejab diklok jen depakpakim jikin jijet elañe depakpakim jikin jijet eo elablok jen jilu (3) ne. Jouj im kememej bwe kein kōjebel ko rejab bōk jikin kakien eo ñan ekōnak kein kalbubu iturin māj ko einwōt ilo

jikin taktō, kein bōbrae iturin māj, ak kein kalbubu iturin māj ilo aer loor [Melele in kajinet eo an Aoleben State eo ñan Kein Kalbubu Māj einwōt ilo Jikin Taktō, Kein Bōbrae Iturin Māj, Kein Kalbubu Iturin Māj](#).

**K2: Alen Ruo Kajiniet ñan Mōko Imōn Mōñā im Baar ej kamo jijet imaan baar eo ijellokun rej dāpij jiljino ne, ak ej bar kōtlok kin plexiglass ijellokun – kwō maroñ ke kaalikkar?**

U2: Elōñ ruo mennin ekelel an rikōmadmōd ro ñan kōmelim an armij jijet imaan baar eo ilo Alen Ruo. Emelim jijet imaan baar eo ñe counter eo jitlok ñan juon wūntō ak kiiñ em im emaroñ kejbarok an droulul ko im/ak rijerbal ro itulikin baar eo maroñ ettolok ejab diklok jen jiljino (6) ne jen doon ekkar ñan melele in kajinet eo an Alen Ruo. Im bareinwōt, emelim jijet imaan baar eo ñe emōj kajutak juon plexiglass (acrylic) ak bar juon kein bōbrae an armij kebaak doon ekkar ñan melele in kajinet eo an Alen Ruo. Rijerbal ro rej aikuj in jenolok jen customer ro kin kein bōbrae eo ijellokun ñan makūtkūt ko rekadu ibben doon (waan joñak, ñan bōklok mōñā). Elañe mweo eban loor juon iaan wewein ekkālel kein ruo, emo an armij jijet imaan baar eo. Kein bōbrae ko ñan an armij kebaak doon rejab bōk jikin kakien eo ñan ekōnak kein kalbubu māj einwōt an jikin taktō, kein bōbrae iturin māj, ak kein kalbubu iturin māj ilo ad loor [Melele in Kajinet eo an Aoleben State eo ñan Kein Kalbubu Māj einwōt ilo Jikin Taktō, Kein Bōbrae Iturin Māj, Kein Kalbubu Iturin Māj](#).

**K3: Jete armij emelim ilo juon imōn mōñā?**

U3: Iomwin Alen Ruo, juon imōn mōñā/jikin emaroñ kadeloñ 100 armij ñan iloan mweo ak 250 armij inabōj, bōtab en jab lablok jen 250 iloan mweo im inabōj; ak wōran armij, koba rijerbal ro, ekkar ñan aer bwini joñan eo an jikin eo, (jukweea ne/wōran), jabdrewōt eo ediklok, einwōt an mōj kalikar ilo [melele in kajinet eo an OHA ikijen Kakobaba](#).

**K4: Kim maroñ ke kajijet elōñlok jen juon kumi in armij ilo juon tebōl aitok ak tebōl aoleb armij rej jijet ie?**

U4: Jab. Kōmman joñan kumi in armij ñan 10 armij ak ietlok. Ilo jikin jijet ko elōñ armij rej jijet ie, jab kakoba droulul ko/rilotok ro rar jab kelet in kakobaba ibben doon. Armij ro ilo ejja juon wōt droulul im rej jijet ilo juon wōt tebōl rejab aikuj in bed jiljino (6) ne jen doon.

**K5: Ta eo juon “droulul?”**

U5: Juon droulul ej kwalok kin juon kumi in armij im rekkar iwōj ibben doon ak emōj aer kelet in kakobaba ibben doon ilo jikin eo.

**K6: Ta melele in kajinet eo ikijen jikin jijet ilo iturin jikin etetal? Emelim ke ñan droulul ro rej ettolok jiljino (6) ne jen doon? Ak etōñak ko ilo juon imōn mōñā rej atartare juon jikin etetal - emelim ke an tebōl ko bed ilo etōñak elañe enaj ettolok jiljino (6) ne jen tōrerein jikin etetal eo?**

U6: Customer ro rej aikujin kejbarok aer ettolok jiljino (6) ne jen ro jet rejab uwaan droulul eo aer. Mennin ekoba armij ro im remaroñ etetal ilo ial ak jikin etetal eo. Elañe juon bijnej ejab maroñ kejbaroke ejjab diklok jen jiljino (6) ne ettolok jen doon,

ijellokun kin emmakūtkūt rekadu ien wōt (waan joñak bōklok mōñā ñan juon tebōl) remaroñ madmōd einwōt juon jibañ in ebōk/etal wōt. Rijerbal im customer ro rej aikuj loor [melele in kajinet eo an Aoleben State eo ñan Kein Kalbubu Māj ko an Jikin Taktō, Kein Bōbrae Iturin Māj, Kien Kalbubu Iturin Māj](#). Men in ej ekkar ñan jikin jijet iloan em im inabōj.

**Maroñ loe beba in:** Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak [OHA.ADAModifications@dhsaha.state.or.us](mailto:OHA.ADAModifications@dhsaha.state.or.us).